

Persepsi Wanita Buddha dan Wanita Muslim terhadap Dialog Agama: Kajian di Kuala Lumpur

Mustafa Kamal Amat Misra
Jaffary Awang

Abstrak

Kajian ini berkenaan persepsi wanita Buddha dan wanita Muslim di Kuala Lumpur terhadap dialog antara agama. Objektif kajian ini adalah untuk mengukur tahap kefahaman responden berkaitan dialog antara agama, menilai sikap responden terhadap dialog antara agama dan mengukur tahap amalan responden berkaitan dialog antara agama. Kajian dijalankan ke atas 400 responden, 200 responden dari kalangan Persatuan Sasana Abhiwurdi Wardhana (PSAW) dan 200 responden lagi dari kalangan Angkatan Belia Islam Malaysia (ABIM). Pendekatan yang digunakan dalam kajian ini adalah pendekatan kualitatif dan kuantitatif. Manakala instrumen yang digunakan adalah soal selidik dan temubual. Analisis data secara deskriptif dan inferensi kolerasi Spearman dilakukan dengan perisian *Statistical Package of Social Sciences (SPSS) for Windows version 14.0*. Dapatan kajian menunjukkan tahap kefahaman dan sikap semua responden terhadap dialog antara agama pada tahap memuaskan. Hasil kajian menunjukkan wujudnya hubungan antara kefahaman dengan sikap semua responden. Ini menunjukkan semakin tinggi tahap kefahaman responden terhadap dialog antara agama, semakin baik sikap responden terhadap dialog antara agama.

Kata Kunci: Persepsi, wanita; dialog, agama, Kuala Lumpur

Pendahuluan

Dialog antara agama merupakan suatu cabang ilmu yang berkait rapat dengan bidang ilmu perbandingan agama. Cabang ilmu ini semakin dikenali oleh masyarakat di Malaysia berbanding dengan sebelum tahun 2009. hal ini kerana, sebelum tahun 2009, isu dialog antara agama hanya biasa dibincangkan dikalangan persatuan-persatuan tertentu khasnya gabungan badan-badan bukan kerajaan (NGO) seperti Malaysian Consultative For Buddhism, Christianity, Hinduism, Sikhism and Taoisme (MCCBHCST), Malaysia Interfaith Network (MIN) dan Allied Coordinating Committee of Islamic NGOs (ACCIN) serta badan bukan kerajaan keagamaan seperti Angkatan Belia Islam Malaysia (ABIM), Research of Islamic Information (RICOI), Inter-Faith Spiritual Fellowship (INSaF) dan Buddhist Missionary Society Malaysia (BMSM).

Namun selepas tersebarnya isu-isu keagamaan di media seperti isu permohonan penggunaan kalimah ‘Allah’ oleh pihak akhbar Herald, beberapa pihak telah tampil memberikan sambutan yang baik iaitu dengan menganjurkan dialog. Parti Islam se-Malaysia (PAS) dan Parti Keadilan Rakyat (PKR) misalnya telah beberapa kali mengajurkan program dialog antara agama. Dalam masa yang sama, pihak NGO juga kerap mengadakan program-program dialog antara agama sebagai tindak balas terhadap isu kalimah ‘Allah’ tersebut seperti program dialog antara agama yang disertai oleh Islamic Outreach ABIM (IOA), Research of Islamic Information (RICOI), Sasana Abhiwurdi Wardhana Soceity (SAWS), Nalanda Soceity, (BMSM) dan Pertubuhan Muafakat Sejahtera Masyarakat Malaysia (MUAFAKAT). Respon daripada pihak kerajaan sendiri dengan slogan ‘1 Malaysia’ telah kerap kali menyentuh isu dialog antara agama dalam beberapa ucapannya.

Berbanding dengan tahun-tahun awal permulaan dan perkembangan dialog antara agama di Malaysia yang mula dipelopori Majlis Kerjasama Antara Agama Sedunia (The World Council for Inter-Faith Co-operation) pada tahun 1956 (Khairulnizam 2005). Seterusnya pada tahun 1963, ia telah berkembang dan beroperasi di bawah nama baru iaitu Pertubuhan Antara Agama Malaysia sehinggalah pada tahun 1986 ia dikenali sebagai Inter-Faith Spiritual Fellowship (INSaF) (Khairulnizam 2005) Pada tahun 1983 pula, pemimpin-pemimpin agama bukan Islam telah bersetuju untuk membentuk satu majlis

yang dikenali sebagai Malaysian Consultative Council for Buddhism, Christianity, Hinduism and Sikhism (MCCBCHS) dan ia juga dikenali sebagai Majlis Perundingan Agama-Agama Malaysia. Pihak Kristian juga telah menubuhkan Christian Federation of Malaysia pada tahun 1985 (Christian Federation of Malaysia: 3). Penubuhan ini adalah di atas kesedaran untuk menyatukan penganut-penganut Kristian di mana keseluruhannya mempunyai kira-kira 40 mazhab gereja terbesar di Malaysia. Dalam masa yang sama, Christian Federation of Malaysia ini berperanan sebagai badan yang mewakili pihak masyarakat Kristian pada masa tersebut untuk berdialog antara agama (Khairulnizam 2007: 89). Namun pergerakkan dialog antara agama di Malaysia ketika itu agak perlahan berbanding dengan program dialog antara agama pasca tahun 2009.

Justeru itu, untuk mengenal pasti keberadaan dialog antara agama pada masa kini di kalangan masyarakat, pengkaji cuba mengukur persepsi dua kelompok agama daripada dua NGO agama masing-masing iaitu Angkatan Belia Islam Malaysia (ABIM) dan Sasana Abhiwurd Wardhana Society (SAWS) yang merupakan NGO yang aktif dalam mempromosikan dialog antara agama. Kedua-dua NGO ini berpusat di Kuala Lumpur, mempunyai sejarah penubuhan yang melebihi 10 tahun dengan bilangan ahli melebihi 10 000 orang.

Konsep Dialog antara Agama

Dialog berasal dari suku kata bahasa Arab yang disebut *hiwar* bermaksud mesyuarat (Ibn Manzur). Namun, definisi dialog juga berbeza-beza mengikut pandangan dan pengalaman setiap orang (Ataullah Siddiqui 2008).

Al-Faruqi pula mendefinisikan dialog sebagai suatu dimensi kesedaran manusia (selagi mana ada kesedaran tidak menjadi suatu yang diragui). Ia merupakan suatu kategori perasaan yang beretika (selama mana perasaan tersebut tidak bertukar menjadi perasaan yang sinis) (Mohamad Rasyidi 2009: 99). Dialog juga merupakan hubungan manusia dengan manusia. Dengan itu, tujuan akhir daripada dialog ialah kebenaran iaitu penerimaan kebenaran. Ini kerana, bagi beliau konversi seseorang terhadap Islam seharusnya berasaskan kefahaman dan kebenaran dan bukan berasaskan kepada ikutan dan paksaan (Al-Faruqi 2009: 261).

Beliau menegaskan, dialog merupakan suatu bentuk pendidikan yang meluas dan ia dipandang sebagai suatu yang sangat mulia. Di samping itu, ia juga mampu membuka sebarang bentuk sempadan yang boleh menghalang kepada perbincangan secara terbuka selain ruang untuk hubungan sesama manusia dalam konteks untuk meneliti dan memahami kepercayaan masing-masing (Mohamad Rasyidi 2009: 99).

Ataullah Siddiqui pula mendefinisikan dialog sebagai perbincangan antara dua orang atau lebih, terutama dari sifat formal atau tidak formal dan pertukaran pandangan dengan harapan akhirnya mencapai kesepakatan. Dalam erti kata lain, dialog juga telah disebut sebagai perundingan, perbualan, pertemuan, pertukaran pandangan, pertemuan dan lain-lain (Ataullah Siddiqui 2008).

Daripada definisi dan pandangan yang diberikan intelektual Muslim tersebut, dapatlah kita fahami bahawa dialog ialah perbincangan antara dua pihak untuk mengenal pasti persamaan dan perbezaan bagi mencapai kesepakatan dalam sesuatu perbincangan. Dalam konteks masyarakat Muslim, dialog menjadi suatu yang penting untuk menjelaskan kebenaran Islam serta menerangkan salah faham terhadap Islam.

Definisi Dialog antara Agama

Menurut Yusri Mohamad Ramli, Dialog Antara Agama umumnya merujuk kepada satu percakapan, perbualan dan komunikasi antara dua individu atau lebih yang berlainan agama yang membincangkan tentang hal-hal agama mereka yang berbeza (Yusri Mohamad Ramli 2008: 255).

Menurut Ramli Awang pula, dialog antara agama ini disifatkan sebagai satu proses awal dari komunikasi langsung antara tokoh-tokoh agama bertujuan membangun masa depan yang damai dan harmoni melalui komitmen yang tinggi dan sikap saling menghargai perbezaan agama antara manusia (Ramli Awang 2008: 54).

Berlainan pula dengan pendapat Kamar Oniah Kamaruzaman dalam Syed Z. Abedin, menyatakan bahawa dialog antara agama bukan sahaja membincangkan persoalan teologi, doktrin, tetapi harus dijadikan medan untuk mengenal dengan lebih rapat suatu agama selain dapat menimba ilmu pengetahuan. Dialog juga dapat membangunkan hubungan yang rapat dan meningkatkan rasa hormat kepada semua (Kamar Oniah Kamaruzaman 2000: 46)

Penyataan Masalah

Dialog antara agama di Malaysia menyaksikan masyarakat Buddha begitu komited dengan dialog antara agama. Ini dapat dilihat daripada penglibatan Persatuan Sasana Abhiwurdhi Wardana dalam program-program dialog antara agama semenjak era 70 an lagi (Sasana Abhiwurdhi Wardhana Socety 2000). Penglibatan Persatuan ini dalam dialog antara agama dilihat berdasarkan kepada penganjuran dan penyertaannya dalam program dialog antara agama. Sehingga kini, persatuan ini merupakan satu-satunya persatuan agama Buddha di Kuala Lumpur yang kerap mewakili penganut Buddha dalam menyertai program dialog antara agama (Prematilaka 2011). Di samping itu, Persatuan ini juga menyediakan ruang pejabat dan bilik mesyuarat untuk Malaysian Consultative For Buddhism, Christianity, Hinduism, Sikhism and Taoisme (MCCBHST) (Prematilaka 2011).

Dalam konteks Islam pula, organisasi yang dilihat paling menonjol dalam dialog antara agama adalah Angkatan Belia Islam Malaysia (ABIM) melalui Islamic Outreach ABIM (IOA). Sungguhpun penubuhan ABIM jauh lebih muda berbanding Sasana Abhiwurdhi Wardana Society, Namun ia cukup berpengaruh dalam dunia Islam di Malaysia dan pandangannya didengari oleh Kerajaan sehingga tercetusnya isu-isu dasar Islamisasi (Mohd Jamil 2009). ABIM juga satu-satunya NGO Islam yang komited dengan dialog antara agama. Ini dapat dilihat dengan kekerapan ABIM mewakili pihak Muslim dalam program-program dialog antara agama (Azril Mohd Amin 17 Julai 2011).

Penglibatan wanita dalam dialog antara agama juga tidak dikesampingkan. Ia dilihat daripada penglibatan wanita dalam kedua-dua pertubuhan tersebut Sejak dari awal penubuhannya. Seperti penglibatan wanita dalam Sasana Abhiwurdhi Wardhana Society dan Angkatan Belia Islam Malaysia (ABIM).

Justeru itu, dalam kajian ini pengkaji memberikan perhatian secara langsung terhadap hubungan Buddha dan Muslim mengenai dialog antara agama. Untuk mengenal pasti permasalahan tersebut, kajian ini dirancang untuk menjawab beberapa soalan berikut.

1. Apakah tahap kefahaman dan sikap wanita Buddha dan wanita Muslim terhadap dialog antara agama?

2. Adakah terdapat hubungan antara tahap kefahaman dengan sikap wanita Buddha dan wanita Muslim?

Instrumen

Pengkaji telah menggunakan beberapa metode dalam mengumpulkan maklumat-maklumat yang berkaitan dengan kajian seperti Antara metode pemerhatian. Pengkaji membuat pemerhatian dan mengenal pasti badan bukan kerajaan (NGO-NGO) Buddha dan Muslim yang aktif melibatkan diri dalam dialog antara agama. Pengkaji menggunakan bentuk pemerhatian penyertaan tanpa kawalan. Bentuk pemerhatian ini digunakan kerana pengkaji terlibat secara langsung dengan program-program dialog antara agama sebagai peserta. Pengkaji juga menggunakan instrumen One-Way Screens. Instrumen ini digunakan kerana pengkaji kerap melakukan pemerhatian dalam program dialog antara agama dan menumpukan kepada persatuan agama yang terlibat dengan program dialog tersebut (AS Long 2009). Pengkaji melakukan pemerhatian dengan terancang serta sistematik dengan menghadiri program-program dialog antara agama di Mahavihara Buddha, Brickfield. Sudah menjadi rutin tahunan yang telah ditetapkan oleh pihak Mahavihara, program dialog antara agama akan dilangsung pada sekitar bulan Ogos setiap tahun (Prematilaka KD Serina 1 September 2011).

Kefahaman SAWS dan ABIM Terhadap Dialog antara Agama

1	NGO	STS	TS	TP	S	SS	(min)
Dialog antara agama adalah perbincangan antara penganut satu agama dengan penganut lain.	SAWS	-	13.5 (27)	27.5 (55)	59.0 (118)	-	4.30 Tinggi
	ABIM	-	-	15.5 (31)	32,5 (65)	52,0 (104)	4.36 Tinggi

2							
Dialog antara agama adalah kesediaan mendengar pendapat penganut agama lain.	SAWS	-	9.0 (18)	18,0 (36)	27.5 (55)	45,5 (91)	4.11 Tinggi
	ABIM	-	3.0 (6)	23.5 (47)	16.0 (32)	57.5 (115)	4.28 Tinggi

Hasil daripada analisis deskriptif item (B1) tahap kefahaman SAWS terhadap dialog antara agama secara keseluruhannya berada pada tahap tinggi dengan purata min 4.30. Tahap kefahaman responden ABIM terhadap dialog antara agama juga pada tahap tinggi iaitu min 4.36. Dapatan analisis ini menggambarkan bahawa keseluruhan responden SAWS dan responden ABIM mempunyai tahap kefahaman dan pengetahuan yang baik tentang dialog antara agama.

3	NGO	STS	TS	TP	S	SS	(min)
Dialog antara agama adalah perbincangan mengenai isu-isu Agama antara penganut satu agama dengan penganut agama lain	SAWS	-	23.0 (46)	19.5 (39)	15.5 (31)	42.0 (84)	4.28 Tinggi
	ABIM	-	14.0 (28)	12.5 (25)	22,5 (45)	51,0 (102)	4.08 Tinggi

Dapatan daripada analisis deskriptif item (B2) menggambarkan bahawa hampir keseluruhan responden mengetahui secara umum berkenaan dialog antara agama seperti dialog antara agama adalah medan perbincangan antara satu agama dengan satu yang lain. Dalam medan ini, isu-isu sesuatu agama boleh dibincangkan untuk memberi kefahaman kepada pihak agama lawannya. Hasil dapatan ini disokong oleh kenyataan yang dikeluarkan oleh Mohd Farid Shahrn (2008) berkenaan

dialog berfungsi untuk menjelaskan kebenaran agama masing-masing untuk mengelakkan kesalahfahaman di kalangan penganut agama lain. Ia termasuk membincangkan persoalan common enemies yang dihadapi oleh setiap agama seperti aliran-aliran sekular, kepentingan prinsip-prinsip etika yang dapat dikongsi bersama. Dengan erti kata lain, dialog antara agama adalah suatu medan perbincangan antara penganut berlainan agama dengan tujuan membincangkan isu-isu keagamaan (Mohd Farid 2008). Tahap pengetahuan am responden tentang dialog antara agama ini telah disokong dengan pandangan Ataullah Siddiqui yang menyatakan dialog adalah medan perbincangan antara dua orang atau lebih, untuk pertukaran pandangan dengan harapan akhirnya mencapai kesepakatan. Dalam erti kata lain, dialog juga telah disebut sebagai perundingan, perbualan, pertemuan, pertukaran pandangan, pertemuan dan lain-lain (Ataullah Siddiqui. 2008). Ini menggambarkan bahawa responden SAWS dan ABIM mengetahui jalan untuk mencari kesefahaman di antara sesama masyarakat berlainan agama adalah dengan berdialog. Dapatan seperti ini wajar berlaku kerana proses mendapatkan ilmu-ilmu pengetahuan tentang perkembangan dialog antara agama di Malaysia mudah diperolehi dirangkaian internet, akhbar lebih-lebih lagi untuk ahli persatuan badan bukan kerajaan seperti Sasana Abhiwurdhi Wardhana Society (SAWS) dan Angkatan Belia Islam Malaysia (ABIM) yang kerap terlibat dengan program-program dialog antara agama.

4	NGO	STS	TS	TP	S	SS	(min)
Objektif dialog antara agama untuk memupuk sikap toleransi beragama	SAWS	0.5	8,5	27,5	45,5	18,0	4.35
		(1)	(17)	(55)	(91)	(36)	Tinggi
	ABIM	-	2.0 (4)	16.5 (33)	26,5 (53)	55,0 (110)	4.31 Tinggi

Selain itu, hasil kajian ini juga menunjukkan responden SAWS mempunyai tahap pengetahuan yang tinggi tentang objektif dialog antara agama. Responden SAWS mengetahui dialog antara agama

mempunyai peranan yang besar untuk mengecapi keharmonian hidup sesama umat beragama. Selain itu, dialog antara agama mampu memupuk toleransi beragama. Demikian juga pandangan responden ABIM yang bersetuju dengan peranan dialog antara agama sebagai instrumen untuk mengecapi keharmonian hidup sesama umat beragama disamping mampu memupuk sikap toleransi beragama. Hasil dapatan daripada responden SAWS dan responden ABIM ini selari dengan hasil kajian yang pernah dijalankan oleh Muda @ Ismail Ab. Rahman, Jaffary Awang dan Rofizah Mohamad @ Mohamad Noor yang menyatakan dialog antara penganut pelbagai agama yang berterusan penting sebagai salah satu jalan keluar bagi menanam sikap toleransi beragama justeru menjana perpaduan kaum di Malaysia (Jaffary Awang 2009: 181).

	NGO	STS	TS	TP	S	SS	(min)
Semakin komited seseorang beragama semakin tinggi sikap toleransi beragama	SAWS	-	12,0 (24)	2,5 (5)	56,0 (112)	29,5 (59)	4.19 Tinggi
	ABIM	-	1.0 (2)	13.5 (27)	27,5 (55)	58,0 (116)	4.36 Tinggi

Dalam dalam masa yang sama, hasil kajian menunjukkan hanya individu yang komited terhadap agama mempunyai sikap toleransi yang tinggi terhadap penganut agama lain. Hasil kajian ini turut mempunyai persamaan dengan kajian yang telah dibuat oleh Muda @ Ismail Ab. Rahman, Jaffary Awang dan Rofizah Mohamad @ Mohamad Noor terhadap sumbangan dialog antara agama kepada sikap toleransi beragama antara responden Islam dan Responden Kristian. Hasil daripada kajian tersebut menunjukkan responden Islam dan responden Kristian bersetuju agama sebagai wadah untuk memupuk perpaduan antara kaum di Malaysia (Jaffary Awang 2009: 181).

Setiap setiap panel dialog perlu mempunyai pengetahuan tentang agama rakan dialognya. Ini dibuktikan dengan dapatan yang mendapati 71% responden SAWS dan 75.5% responden ABIM bersetuju dengan item (B6) 'Pengetahuan tentang agama lain prasyarat bagi panel dialog'.

6	NGO	STS	TS	TP	S	SS	(min)
Pengetahuan tentang agama lain adalah prasyarat bagi mereka yang ingin menjadi panel dialog	SAWS	-	24.5 (49)	4.5 (9)	27.5 (55)	43.5 (87)	3.90 Tinggi
	ABIM	-	-	13.5 (27)	38.5 (53)	48.0 (96)	4.30 Tinggi

Ini selari dengan pandangan Perdana Menteri, Datuk Seri Najib Tun Razak yang berpendapat sekiranya dialog antara agama diwakili serta disantuni oleh tokoh agama masing-masing, ia pasti akan melahirkan impak positif yang berganda kepada masyarakat beragama (Utusan 13 Jun 2011). Pandangan beliau juga seiring dengan pandangan daripada pihak Pemimpin Parti Pembangkang, Anwar Ibrahim yang menyatakan sekiranya dialog yang mengambil kira pandangan pakar-pakar dalam hal agama dan pentadbiran disatukan dalam satu majlis, serta memegang kepada prinsip yang telah dinyatakan di atas, sudah pasti isu yang dibincangkan dapat dileraikan dengan jayanya (Ahmad Kasim 2011). Ini menjadi kewajipan yang *Qat'ie* bagi panel Muslim kerana lafaz *Fe'el al-Amar* dalam Surah Al-Nahl ayat 25 (Ud'u) membawa maksud arahan untuk berdakwah (berdialog) dengan hikmah kebijaksanaan dan nasihat pengajaran yang baik, dan berbahaslah dengan cara yang lebih baik.

	NGO	STS	TS	TP	S	SS	(min)
Memahami amalan agama lain dapat mengelakkan prasangka buruk terhadap agama lain	SAWS	-	-	24.5 (49)	33.0 (66)	42.5 (85)	4.18 Tinggi
	ABIM	-	1.5 (3)	16.0 (32)	37.0 (74)	45.5 (91)	4.21 Tinggi

Berhubung dengan mengelakkan prasangka terhadap agama lain, hasil dapatan mendapati 75.5% responden SAWS dan 82.5% responden ABIM berpendapat ahli masyarakat perlu memahami amalan agama lain. Hasil dapatan ini disokong oleh ulasan Mohd Raman Daud terhadap saranan Dr. Syed Farid Al-Attas agar setiap guru-guru agama dan ulama' wajar mempelajari agama-agama lain (Zalman Putra 2008). Menurut Zalman Putra lagi, mempelajari agama lain, perbezaan bukanlah sesuatu yang perlu diperpanjangkan kerana setiap agama memang wujud perbezaan dan sekiranya perbezaan tersebut masih dipersoalkan, jurang antara satu agama dengan satu agama yang lain semakin luas (Zalman Putra 2008). Bahkan mempelajari agama lain hendaklah dengan hasrat untuk membina jambatan persefahaman (Zalman Putra 2008).

	NGO	STS	TS	TP	S	SS	(min)
Perbezaan pendapat antara panel perlu diterima dengan hati yang terbuka	SAWS	-	9.0 (18)	18.0 (36)	27.5 (55)	45.5 (91)	4.11 Tinggi
	ABIM	-	3.0 (6)	23.5 (47)	16.0 (32)	57.5 (115)	4.28 Tinggi

Dalam berdialog, perbezaan pendapat antara panel perlu diterima dengan hati yang tabah. Berdasarkan hasil dapatan, sebahagian besar responden SAWS dan ABIM terbuka dalam menerima perbezaan pendapat. Ini kerana asas utama untuk menjayakan dialog adalah sikap pihak yang berdialog sama ada bersedia atau tidak untuk memberikan reaksi yang meyakinkan terhadap sebarang permasalahan yang dibangkitkan. Namun terdapat 9% responden SAWS dan 3% responden ABIM tidak boleh menerima pendapat orang yang bertentangan dengan fikrah agamanya. Hal ini disebabkan dalam sesetengah keadaan yang tidak dapat dikompromi atas dasar prinsip agama atau budaya maka hendaklah berlapang dada dan saling hormat menghormati antara satu sama lain.

Sikap SAWS dan ABIM Terhadap Dialog antara Agama

Dapatan tentang sikap responden SAWS terhadap dialog antara agama berada pada tahap tinggi kecuali dua item (C1 dan C5) pada tahap sederhana dengan skor min (min=3.45) dan (min=12). Manakala dapatan sikap responden ABIM pada tahap tinggi kecuali tiga item (C3, C4 dan C6) pada tahap sederhana (min=3.12, min=3.17 dan min=3.16). Secara keseluruhannya, responden dalam kajian ini mempunyai respon pada tahap yang tinggi tentang dialog antara agama dengan mencapai skor min keseluruhannya (min=4.17, sp=0.80).

	NGO	STS	TS	TP	S	SS	(min)
Jawapan daripada panel-panel dialog meningkatkan sikap toleransi saya terhadap agama lain	SAWS	-	3.0 (6)	29.0 (58)	53.5 (107)	14.5 (29)	3.45 Sederhana
	ABIM	-	2.5 (5)	29.5 (59)	56.0 (112)	12.0 (24)	3.99 Tinggi

Hasil analisa deskriptif pada item C1 menunjukkan majoriti responden SAWS dan ABIM bersetuju 'Jawapan daripada panel-panel dialog meningkatkan sikap toleransi saya terhadap agama lain'. Hasil kajian ini mempunyai persamaan dengan hasil kajian yang pernah dijalankan oleh Jaffary Awang yang mengukur persepsi penganut Islam dan Kristian terhadap dialog antara agama (Jaffary Awang 2009: 181). Hasil dapatan ini menyokong kajian yang telah dibuat oleh Azrinah (2009) yang menyatakan dialog yang dilaksanakan akan dapat memupuk toleransi dan interaksi antara pelbagai agama dan budaya (Azrinah 2009). Dapatan ini disokong oleh kajian yang telah dibuat oleh Osman Bakar yang menyatakan bahawa dialog yang berkesan akan dapat memupuk sikap toleransi, saling memahami dan mempunyai kesediaan untuk mendengar pandangan dari pihak lain di samping ikhlas untuk berdialog.

	NGO	STS	TS	TP	S	SS	(min)
Saya menyelidik latarbelakang sesuatu agama sebelum berbincang isu-isu agama dengan penganut agama lain	SAWS	-	1.5 (3)	19.0 (39)	30.5 (61)	48.5 (97)	4.26 Tinggi
	ABIM	1.5 (3)	2.5 (5)	23.5 (47)	68.0 (136)	4.5 (9)	3.93 Tinggi

Ini diikuti dengan item C2 yang menunjukkan keseluruhan responden bersetuju dengan pernyataan ‘Saya menyelidik latarbelakang sesuatu agama sebelum berbincang isu-isu agama dengan penganut agama lain’ yang mencapai skor min tinggi dengan skor min SAWS min=4.26 dan skor min ABIM min=3.93. Kajian ini disokong oleh kajian Azrinah (2009) yang mendapati pelajar berminat untuk mengetahui kepelbagaian anutan agama dan budaya di Malaysia (Azrinah 2009). Pengkaji berpendapat bahawa pengetahuan tentang sesuatu agama melancarkan suasana dialog antara agama.

C3	NGO	STS	TS	TP	S	SS	(min)
Saya suka membaca bahan-bahan bacaan berkenaan isu-isu semasa yang dibincangkan dalam dialog antara agama	SAWS	-	1.5 (3)	25.0 (50)	40.0 (80)	33.5 (67)	4.05 Tinggi
	ABIM	0.5 (1)	8.5 (17)	18.0 (36)	45.5 (91)	27.5 (55)	3.12 Sederhana

Bagi item C3, majoriti responden SAWS berminat untuk membaca bahan-bahan bacaan berkenaan isu-isu semasa yang dibincangkan dalam dialog antara agama. Demikian juga dengan responden ABIM

yang mempunyai minat yang tinggi untuk mengetahui isu-isu yang dibincangkan dalam sesi dialog antara agama melalui bacaan-bacaan. Namun terdapat 1.5% responden SAWS dan 9.0% Responden ABIM pula kurang berminat membaca bahan-bahan bacaan berkenaan isu-isu semasa yang dibincangkan dalam dialog antara agama.

C4	NGO	STS	TS	TP	S	SS	(min)
Saya menghormati prinsip dan pegangan sahabat yang berlainan agama	SAWS	-	1.3 (5)	19.5 (39)	30.5 (61)	48.5 (97)	4.18 Tinggi
	ABIM	-	-	13.5 (27)	81.0 (162)	5.5 (11)	3.17 Sederhana

Dapatan dari Item C4 mempunyai kadar perolehan min di tahap yang tinggi yang menunjukkan sikap responden SAWS terhadap dialog antara agama pada tahap yang baik berdasarkan persoalan item tentang penghormatan responden terhadap prinsip agama lain dan peraturan-peraturan yang ditetapkan dalam program dialog antara agama. Dapatan juga mencatatkan 86.5% responden ABIM menghormati pegangan orang lain. Sikap responden ABIM ini mengikut suruhan Allah dalam Surah Al-An'am ayat 108:

Janganlah kamu cerca benda-benda yang mereka sembah selain dari Allah, kerana mereka kelak, akan mencerca Allah secara melampaui batas dengan ketiadaan pengetahuan. Demikianlah kami memperelokkan pada pandangan tiap-tiap umat akan amal perbuatan mereka, kemudian kepada Tuhan merekalah tempat kembali mereka, lalu ia menerangkan kepada mereka apa yang mereka telah lakukan.

Ini diikuti dengan item C5 yang mendapati 35.5% responden SAWS kerap mengikuti program-program dialog antara agama yang pernah dianjurkan. Namun terdapat 29.5% responden SAWS yang jarang mengikuti program-program dialog antara agama. Ini diikuti dengan

C5	NGO	STS	TS	TP	S	SS	(min)
Saya kerap mengikuti program-program dialog antara agama yang pernah dianjurkan	SAWS	-	29.5 (59)	32.0 (64)	35.5 (71)	3.0 (6)	3.12 Sederhana
	ABIM	-	26.0 (52)	38.0 (76)	32.0 (64)	4.0 (8)	3.67 Tinggi

36.0% responden ABIM kerap mengikuti program-program dialog antara agama yang pernah dianjurkan.

6	NGO	STS	TS	TP	S	SS	(min)
Saya menghormati peraturan-peraturan yang ditetapkan dalam program dialog antara agama	SAWS	-	12.5 (25)	1.5 (3)	33.5 (67)	52.5 (105)	4.26 Tinggi
	ABIM	-	25.0 (50)	38.5 (77)	30.5 (61)	6.0 (12)	3.16 Sederhana

Hasil dapatan menunjukkan responden SAWS dan responden ABIM mempunyai sikap yang baik terhadap dialog antara agama. Sikap tersebut merujuk kepada aspek sikap responden menghormati program dialog antara agama.

Dapatan daripada item (C7) menunjukkan responden SAWS 85.0% mengambil berat kebajikan rakan-rakan tanpa mengira agama. Ia mempunyai perbezaan yang besar dengan dapatan daripada responden ABIM yang hanya 40.0% responden sahaja mampu mengambil berat kebajikan rakan-rakan tanpa mengira agama.

7	NGO	STS	TS	TP	S	SS	(min)
Saya mengambil berat kebajikan rakan-rakan tanpa mengira agama	SAWS	-	2.5 (5)	12.5 (25)	42.5 (85)	42.5 (85)	4.25 Tinggi
	ABIM	2.0 (4)	24.0 (48)	34.0 (68)	31.5 (63)	8.5 (17)	3.57 Tinggi

Kesimpulan

Kefahaman responden SAWS dan responden ABIM terhadap dialog antara agama berada pada tahap yang baik. Responden SAWS dan ABIM menunjukkan sikap yang positif terhadap dialog antara agama. Ini menunjukkan kefahaman responden tentang dialog antara agama mempengaruhi sikap responden terhadap dialog antara agama dan semakin tinggi kefahaman responden terhadap dialog antara agama, maka semakin positif sikap responden terhadap dialog antara agama.

Rujukan

- Attaulah Siddiqui. (ed). 1998. *Islam and Other Faiths*. The Islamic Foundation UIA: The International Institute of Islamic Thought
- Azizuddin Ahmad dan Shahrar Kasim. 2000. Peranan NGO Dalam Masyarakat Beragama: dlm Kertas Kerja yang di bentangkan dalam Seminar Islam dan Agama-Agama Masyarakat Malaysia Peringkat Kebangsaan pada 25 November 2000 di Universiti Kebangsaan Malaysia.
- Azrinah Abdul Rahah. 2009. Persepsi Pelajar Terhadap Dialog Antara Agama: Kajian Dalam Kalangan Pelajar Tahun 4, Fakulti Pendidikan, Universiti Teknologi Malaysia (UTM) Skudai. Latihan Ilmiah Sarjana Muda. Fakulti Pendidikan. Skudai: Universiti Teknologi Malaysia.
- Azril Mohd Amin, *Islamic Outreach ABIM (IOA)* (17 Julai 2011)

- Bhikkuni Kolonnawe kusuma, *Sasana Bhiwurdhi Wardhana Society* (3 Mac 2011)
- Diana, *Sasana Bhiwurdhi Wardhana Society* (3 Mac 2011)
- Dearana Morshidi. 2010. Hubungan Ibadat Solat Fardu dan penghayatan Akhlak Pelajar: Kajian di Bahagian Miri, Sarawak. Disertasi Sarjana. Fakulti Pendidikan. Bangi: Universiti Kebangsaan Malaysia.
- Hassan Ali. 1994. *Panduan Sistem Analisis Statistik*. Kuala Lumpur: Percetakan Watan Sdn. Bhd.
- Institusi Kefahaman Islam Malaysia. (atas talian) <http://www.ikim.gov.my> 26 Nov. 2011)
- Jaffary Awang. Muda @ Ismail Abd. Rahman, Rofizah Muhammad Mohamad Noor, Arena Che Kasim, Tengku Ghani Tengku Jusoh, Mohamad Khatim Hasan. 2007. Toleransi Beragama di kalangan Pelajar IPTA: Kajian Kes di Universiti Teknologi Mara (UiTM) Cawangan Sarawak. Jurnal Majlis Islam Sarawak.
- Jaffary Awang. 2009. Sumbangan dialog antara agama terhadap sikap toleransi beragama di kalangan pelajar-pelajar UiTM Sarawak. Dalam Jaffary Awang, Muda @ Ismail Ab. Rahman dan Jawiah Dakir. 2009. *Islam di Era Globalisasi*. (pnytg). Bangi: Universiti Kebangsaan Malaysia.
- Khairulnizam Mat Karim. 2007. "Aplikasi Dialog antara Agama dalam Islam : Satu Paparan". Kertas kerja ini dibentangkan pada Prosiding Seminar Warisan Nabawi 2007. Universiti Sains Islam Malaysia.
- Malaysian Interfaith Network. 2010. (atas talian) <http://www.malaysianinterfaithnetwork.net/> (14 Oktober 2010)
- Mohd Haidhir. *Angkatan Belia Islam Malaysia* Wilayah Persekutuan (8 Jun 2011)
- Norasmah Othman. 2002. Keberkesanan Program Keusahawanan Remaja di Sekolah Menengah. Tesis Ph.D. Fakulti Pendidikan. Serdang: Universiti Putra Malaysia.
- Prematilaka KD Sirena, *Sasana Bhiwurdhi Wardhana Society* (1 September 2011)
- Ramli Awang. 2008. *Dialog antara agama menurut perspektif Al-Quran*. Skudai Johor. Penerbit Universiti Teknologi Malaysia.
- Raimi Ab. Rahim. *Angkatan Belia Islam Malaysia* Pusat (9 September 2011)
- Wan Nor Asmawi, *Angkatan Belia Islam Malaysia* Wilayah Persekutuan (8 Jun 2011)